

श्री करुणामय आर्यावलोकितेश्वर
जलबहाद्यःया बाखं



कमलानन्द वज्राचार्य



श्री ३ ३

श्री करुणामय आर्यावलोकितेश्वर
जनबहाद्यःया दाम्बु

एवःःह
कमलानन्द वज्राचार्य

पिकाकः
आजु प्रकाशन
वधः, ये

पिकाकः	आजु प्रकाशन वघः, यै
कम्प्यूटर	सुरसंसार न्यत, जिमगल्ली-६५, यै
द्यवःकिपाः	एकाराम सि
थाकू	श्री एबीसी प्रिन्टर्स वघः, यै
सम्पादन ग्वहालि	निर्मल वज्राचार्य
ग्वहालि	१५/- (फिन्यातका)
ISBN	46-2047-9

**SHREE
SHREE KARUNAMAYA ARYABALOKITESHWOR
JANABAHADYA:YA BAKHAN**

Writer : Kamalananda Bajracharya
Publisher: Aaju Prakashan

घारणी

ॐ नमः रत्न त्रयाय ॥ ॐ नमोभगवते आर्यावलोकितेश्वराये
वोधिसत्त्वाय महासत्त्वाय महाकारुणिकाय ॥ तद्यथा ॥
ॐ अमोघशील महाशील शुद्ध भर भर संभर संभर पद्मविभूषित
भुजधराय समन्तावलोकितेश्वराय ॐ आहुँफट् स्वाहा ॥

ध्यान

शुद्ध कुण्ड तुषार भास शदृस पद्मे करे संस्थित ।
सर्वज्ञान विधानमहामय वर श्रीपाश जापोत्तस् ॥
वामे तञ्चकमण्डलुञ्च कमल दण्डोत्तम पुस्तक ।
वन्देह परमेश्वरञ्च शिरसा लोकनुकम्पामय ॥

जिगु मजंतुना

“छम्ह जाकि बजि पसल्याया ल्याखं न्हापा प्लाष्टिक भोला मदुगु इलय् भ्वंया म्हिचा हे छयलाबुला जू । भ्वंया माःगु कथंया ज्वलं न्यानाः जक साध्य मजूगुलिं अखबारनापं सफूत नं धानिंधानिं न्याना कायेमाः । छें जःपाखें ग्वहालि कयाः दयेके ज्या जुयाच्चनी । थुगु हे भवल्य् छेंखापतिं थीथी सफू लय्पौ थेंजाःगु नं दुतिना च्वनी । पसलय् गाहाः मदुगु इलय् व छें लिपाः कायेगु इलय् अज्याःगु हे सफू-पत्रिकात मध्ये ल्यतु ल्ययाः ब्वनेगु बानि नं जिके दयाच्चंगु जुयाच्चन । थःगु बानिं थःगु नुगलं ल्यःगु विषयया सफू पौत मुनेगु नं बानि नं जूवंगु जुयाच्चन । थ्वहे बानिया लिच्चः खः थुगु बःचाधंगु सफू ।”

थुगु सफू पिथनेत थुगु कथंया विचाः प्वंका दीम्ह हनेबहःम्ह त्वाःया तःबाः सूर्यमान सिं डंगोलजुया जिगु वास्या पहलं सफू पिथनेगु विचाः हे तना वन । कम्प्यूटरय् सिधये धुंकाः न्हापाया भाय्/भावना हिलेवं थुगु सफूयात जिं थःम्हं पिथनेगु विचाः याना । खय्तला भगवानं हे उजं मबिइकं सुनां नं छुं याय् मफइगु जुयाच्चन । च्वमि कमलानन्दया किपाः छपातं ताःई काल । द्वपं बियागु मखु इलं थथे हे पंगः थन । न्ह्याथे हे जूसां पिथनेत माःगु तिबः पासा निर्मल बब्राचार्य व रत्नकाजी मनपाखें चूलात । तैसा ज्वलंया निमिं माःगुज्वलं (सामग्री) चूलाका दिगुलिं राजाशाक्यया गुण नं थुथाय् लुमंका च्वनागु दु । प्रभुया आज्ञायात सुथां लाका बिइगु माध्यम जुया ब्यूगुलिं

वय्कःपिन्त यक्वयक्व सुभाय् दु । थयेहे जनबहाःयःया बाख् सफू २०२१
सालपाखे प्रा. सुवर्ण शाक्यजुं नं च्वयाः पिथनादीगु जुयाच्चन ।

दकलय् लिपा थुगु सफूया च्वमि मदुम्ह कमलानन्द वज्राचार्य व
न्हापां पिकाःम्ह थीररत्न तुलाधरपिनिगु कीर्ति नास मयायेगु मनंतुनाः देवः
ल्यूने किपानापं तयागु जुल । थये हे वय्कःपिन्त श्रद्धा देछासें वय्कः पिनिगु
पुण्यकीर्तिया लाभय् थःम्हं श्रद्धा देछानागु जुल । थुगु सफू छपाइया निम्ति
ग्वाहालि यानादीगुलिं एबीसी प्रेसयात आपालं सुभाय् देछासें । थुगु पिथनाय्
तिबः ब्यूपिं सकलसित सुभाय् ।



मोक्षबहादुर अमात्य
तःधंचुक, वंघः, २५ वडा

ॐ नमः
श्री करुणामय आर्यावलोकितेश्वर
जनबहाःद्यःया बाखं

परापूर्वकालय् न्हापा जुयावंगु सद्धर्मया बाखं बोधिमण्डप महाविहारय्
विज्याना च्वंम्ह श्री शाक्यसिंह भगवानं जिनराज बोधिसत्त्वयागु ख्वाः स्वयाः
धर्मया बाखं कना विज्यात ।

थ्वहे धर्मया बाखं पाटलिपुत्र धयागु पटना शहरय् च्वंम्ह अशोक
महाराजयात उपगुप्त भिक्षुं कना विज्यात ।

थ्वहे धर्मया बाखं गृद्धकुत पर्वतय् विज्याना च्वंम्ह श्री शाक्यसिंह
भगवानं आनन्द भिक्षुयागु ख्वाः स्वयाः धर्मया बाखं कना विज्यात ।

थ्वहे धर्मया बाखं श्री स्वयम्भू ज्योतिरुप श्री भगवान विज्याना च्वंगु
गोश्रृंग पर्वतसं विज्याना च्वंम्ह सर्वार्थसिद्ध श्री शाक्यसिंह भगवानं मैत्री
बोधिसत्त्वं थगां न्ययाः जव पुलिं चुयाः श्री भगवानया न्ह्यःने च्वनाः ल्हाः
ज्वजलपा विन्ति यानाः न्यना विज्यात ।

हे भगवान सर्वार्थसिद्ध ! छलपोलया कृपां आपालं धर्म बाखं न्यने धुन ।
मेगु धर्म बाखं न्यनेगु इच्छा जुल गथे धाःसा थ्व नेपाल पुण्यभूमि कान्तिपुर
नगरसं श्री आर्यावलोकितेश्वर जनबहाःद्यः सुयागु प्रजासं उत्पत्ति जुया
विज्यात ? छुया नितिं जनबहाःद्यः धायेकाः पूर्वमुख स्वया विज्याःगु ? सुन
थ्व विहार दयेकाः श्री करुणामय स्थापना याना विज्याःगु ? थयिंम्ह वसपोल्

करुणामययागु धर्मया बाखं महात्म्य न्यनेगु इच्छा जुल जिमित करुणा कृपा तयाः आज्ञा दयेका बिज्याहुं धकाः मैत्री बोधिसत्त्वं थथे बिन्ति यानाः न्यसेलि श्री शाक्यसिंह भगवानं मैत्री बोधिसत्त्वयागु ख्वाः स्वयाः श्री करुणामययागु महात्म्य आज्ञा दयेका बिज्यात ।

हे मैत्री बोधिसत्त्व ! थ्व महात्म्य गथे धाःसा थ्व कान्तिपुर शहर मदुनिबले जमपुर धयागु जमदेश छगू दया च्वन । थ्व देशया यक्ष मल्ल धयाम्ह राजां थ्व देशस राज्य चले याना च्वन । थ्व राजाया स्त्री भुवनेश्वरी वया पुत्र रत्न मल्ल राजकुमार छम्ह दयाच्वन । थ्व राजाया प्रयासं श्री करुणामय जनबहाःद्यः सुखावति भुवनं बिज्यानाः सत्त्वप्राणीपिन्त उद्धार याये कारण्य् श्री राजां विहार दयेका बिज्याःगु बहालय् श्री करुणामय स्थिरं च्वना बिज्यात ।

हे मैत्री बोधिसत्त्व ! थुगु वखतय् विहार दयेकाः श्री करुणामय स्थापना याःगु गन धाःसा बागमति व कागमति त्वनाच्चंगु कालमोचन तिर्थया किनारस विहार दयेकाः वसपोलया मूर्ति गथे खः अथे हे दयेकाः पूर्वामुख यानाः माःमाःगु दशकर्म इत्यादि प्रतिष्ठा यानाः नित्य पुजा याइम्ह पुजारी तयाः थथे यक्ष मल्ल राजां माक्व आयस्ता तयाः दैय् छक्कः थ्व कान्तिपुरय् रथ जात्रा दयेका बिज्यात धकाः श्री भगवानं आज्ञा दयेका बिज्यात ।

पूर्वामुख यानाः तयाः थुगु वखतय् श्री करुणामय बिज्याःगु विहारस सकल देवलोक, ब्रम्हा, विष्णु, महेश्वर आदि स्वीस्वकोटी देवतापिं बिज्यानाः पुजा यानाः स्तोत्र याना बिज्यात । हाकनं राजा, क्षेत्री, ब्राम्हण, शुद्र आदि लोकजनपिं सकलें वयाः नित्य सेवा याना च्वन ।

हे मैत्री ! बागमति व कागमति संगम जुयाच्चंगु कालमोचन तिर्थ गन धाःसा थ्व निगू त्वंगु त्वंगः अर्थात् थौकन्हय् होंगः या ओंगः धकाः नाम जुया च्वन ।

हे मैत्री, गुम्ह लोकजनपिसं थ्व कालमोचन तिर्थस वयाः स्नान यानाः

श्री करुणामय दर्शन यात धाःसा काल हतय जुयाः आयू पूर्ण जुयाः सदाकाल निरोगी जुया च्वने दइ धकाः श्री भगवानं कना बिज्यात ।

सदां थुगु वखतय, हे मैत्री ! श्री करुणामययागु कालमोचन तिर्थया प्रभावं व श्री लोकेश्वरया अनुग्रहं कथहं लोकजनपिं मृत्यु जुया वंसेलि स्वर्ग वनाः अमरावतीपुरसं देवलोक धायेकाः जन्म काःवन । थये नेपालया लोकपिं देह त्वःताः वलिसे स्वर्गय् वंगु देवलोकपिंसं खनाः श्री करुणामयया अनुग्रहं वःगु धकाः सिद्धकाः स्वर्गय् च्वपिं देवलोकपिं सकले स्वर्ग क्वहाँ वयाः थ्व नेपाल पुण्यभूमि क्षेत्रय् थ्यंकाः कालमोचन तिर्थस स्नान यानाः श्री आर्यावलोकितेश्वर दर्शन यानाः पुजा याना बिज्यात । थये न्ह्यद्विपुसे च्वंगु देश खनाः थन हे च्वनेगु इच्छा यानाः इन्द्रादि देवलोकपिं थ्व तिर्थया स्थानय च्वनाः इन्द्रचोक धकाः नामकरण याना बिज्यात । हानं सर्गतं क्वहाँ बिज्याःम्ह भैरवज नं थ्व हे ह्वंगलय् च्वने धकाः बिज्याःगुलिं आकाशभैरव थ्वहे स्थानय सिद्ध जुया बिज्यात धकाः श्री भगवानं आज्ञा दयेका बिज्यात ।

थये श्री भगवानं आज्ञा दयेका बिज्याःगु मैत्री बोधिसत्त्वं न्यसेलि मैत्री बोधिसत्त्व ल्हाः ज्वजलपा विन्ति यानाः न्यना बिज्यात - हे भगवन् थ्व कालमोचन तिर्थ गथे सिद्ध जुल छुया कारणय सुखावति भुवनं श्रीकरुणामय बिज्याःगु थयिगु धर्मया वाखं न्यनेगु इच्छा जुल आज्ञा दयेका बिज्याहुं धकाः मैत्री बोधिसत्त्वं न्यसेलि श्री भगवानं मैत्री बोधिसत्त्वया खाः स्वयाः कना बिज्यात ।

हे मैत्री बोधिसत्त्व ! थ्वयागु धर्म वाखं न्यने मात्रं आयू पूर्ण जुइकाः सदां निरोगी जुयाः चिरञ्जीवी जुयाच्वने दइ । गथे धाःसा -

नत्वा श्रीमान् स्वयंभू नरवरकथितं सर्व लोकैकनाथं ।

पंचस्कन्धादिरूपं दशबलवपुसं विश्वरूपं स्वरूपं ॥

वक्षे नेपालदेशं स्थितिवरवपुसं धर्मघातुप्रभुत्वं ।

श्रोतव्यं भक्तियुक्तं जिनवकथितं सश्रियेतापितार्थं ॥

हे मैत्री बोधिसत्त्व ! थ्व नेपालय् जन्म जुयाच्वपिं गुम्ह लोकजनपिंसं

सद्धर्म मास धयागु गुलाधर्म मास ज्वःछिं श्री ज्योतिरूप बुद्ध भगवानया
 भावभक्ति तयाः पंचतालं नानाः बाद्य थानाः काहा, न्यकू, म्वहालि, पयताः
 पुयाः पंचस्कन्ध स्वरूप जुया बिज्याःपिं न्याम्ह तथागतपिं गथिंपिं धाःसा भिगू
 वन सहितं विश्वरूप जुया वियाःम्ह श्री स्वयम्भू ज्योतिरूप भगवानयात
 भावभक्ति सहितं नित्य सेवायात धाःसा चतुर्थ फल धयागु अर्थ, धर्म, काम,
 मोक्ष थेंजाःगु प्यंगू फल लानाः दक्कं पापं मुक्त जुयाः लिपा यमराजयागु भयं
 तरे जुयाः मोक्ष फल लानाः सुखावति भुवनय् बास लाइ धकाः श्री भगवानं
 कना बिज्यात ।

थनलि यमपुरया यमराजां सदांयार्थें दूतपिं सकलें सःताः आज्ञा दयेकल ।
 भो दूतपिं, थ्व पृथ्वी मण्डलय् च्वंपिं प्राणीपिं मृत्यु जुइवं धर्म याःपिं हये मदु
 पाप याःपिन्त पासं चिनाः भीगु नर्कय् हकि । पाप स्वयाः भीगु भिंखुगू नरक
 दु, थ्व स्वयाः गुगु नर्कय् यंके माल उगु नर्कय् यंकाः अघोर सास्ति यानाः
 नरक भोग याकि बिलम्ब याये मते याकनं हुं धकाः यमराजं थथे धासेंलि
 दूतपिं सकलें यमराजया वचन कथं पृथ्वी मण्डलय् चाःहिला च्वन । गुम्हं थ्व
 नेपाल क्षेत्रय् वयाः पापीपिं दुला मदुला धकाः भ्रमण यानाच्च्वन । थ्व नेपालय
 वःपिं दूतपिं अन्तय् जूसां लोकजन मृत्यु जुयावंपिं श्री ईश्वरंयां अनुग्रहं थ्व
 प्राणवायु हंस शून्य जुयाः खने मदयेक सुखावति भुवनय् बास लाःवन । थथे
 शून्य जुयाः प्राणहंस वंगु दूतपिसं खनाः छम्ह हे यंके मफयाः निराश जुयाः
 यमपुरय् तुं लिहाँ वनाः थथे जूगु खँ सकतां नेपाःया खबर यमराजयात
 दूतपिसं विन्तियात धकाः श्री भगवानं कना बिज्यात ।

थथे दूतपिसं नेपाःयागु खबर न्यंकाः यमराज अद्भूत आश्चर्य चायाः
 सु ईश्वरया प्रभावं जूगु धकाः एकान्तं उर्षाकोस धयागु समाधिइ च्वनाः
 न्हातिकां रश्मि पिकयाः नेपालय् स्वयाबिज्यात । तदा थुगु बखतय् नेपालय
 जन्म जुयाच्च्वंपिं प्राणीपिसं श्री स्वयम्भू ज्योतिरूप भगवानयात नित्य नित्य
 भावभक्तिं पञ्चोपचार पूजा यानाः स्तोत्र इत्यादि पाठ यानाः आपालं चाकरी

यानाच्चपि प्राणीजनपि मृत्यु जुइवं स्वर्गवास जुयावंगु यमराजं खनाः अद्भूत
 आश्चर्य चायाः चित्रगुप्त सःताः यमराजं आज्ञा दयेका विज्यात । हे चित्रगुप्त
 धन्यधन्य नेपाः पुण्यभूमि क्षेत्र श्री स्वयम्भू भगवानया अनुग्रहं नेपालय जन्म
 जुयाच्चपि लोकजन सकलं मृत्यु जुइवं स्वर्गलोक वन अथेया कारणं भी
 दूतपि नेपालय वपिसं छम्ह हे मृत्युपि हयेमफुत, धन्य वसपोनया कृपां
 स्वर्गय देवलोक धायेका जन्म जूवन । हे चित्रगुप्त, नेपालय जन्म जुयाच्चपि
 गुजाःगु कर्म हा हा दैव विधाता धकाः यमराज व चित्रगुप्त निम्ह सल्हा याना
 च्वन धकाः श्री भगवानं आज्ञा दयेका विज्यात ।

थनंलि चित्रगुप्तं यमराजया ख्वाः स्वयाः विन्तियात - भो यमराज,
 थथे जुसेलि दूत सकलं मुंकाः भीपि सकलं पुचः मुनाः नेपालय विज्याःम्ह श्री
 स्वयम्भू भगवानयात पूजाया सरजाम सकतां जोरय् यानाः क्वः ख्वाः वःम्ह
 दूतयात पँयताः पुइकाः सिंह ख्वाः वःम्ह दूतं क्वताः थायेकाः आत्माराम ख्वाः
 वःम्ह दूतयात ताल थायेकाः इमा ख्वाः वःम्ह दूतं भ्यालि थायेकाः नानाः
 मंगलया बाजं थायेकाः भीपि सकलं मुनाः श्री स्वयम्भू दर्शन याःवने नु धकाः
 निम्हसिया सल्हा यानाः पूजाया सरजाम सकतां जोरेयानाः नरकय च्वनाच्चपि
 दूतपि सकलं मुंकाः यमराज चित्रगुप्तसंहितं पूजाया सरजाम सकतां ज्वनाः
 नरकनिसं यमराज प्रभृति सकलं मुनाः नेपालय विज्याःम्ह श्री स्वयम्भू दर्शन
 याये धकाः कथहं सुं पञ्चतालं मागलवाद्य थानाः वुलुहुं सकलं नेपालय थ्यकः
 विज्यात ।

थन नेपालय थ्यसेलि नेपाःमि लोकजनपिन्सं गुबलं मखपि व ख्वाः थ्व
 ख्वाः मदुपि दूतपि वःगु खनाः वरा अद्भूत आश्चर्य चायाः गुजाःपि मनुष्य
 धकाः विस्मय चायाः भूत ला प्रेत ला पिशाच ला थुलि धकाः मर्त्यापि
 मनुष्यपि ल्हाः ज्वजलपा यानाः धाल - अहो आश्चर्य छिपिं सु खः गुम्ह खः
 गनं वयापि छिपिंथे जाःपि जिमिसं गुबलं मखना । अहो आश्चर्य छिमिसं
 जिमित महेयेकुसें धा धकाः दूतपिनि न्ह्यःने च्वनाः थुलि लोकजनपिनिगु

ल्वाः स्वयाः दूतपिसं लिसः बिल - हे लोकजनपि, जिपिं सु धाःसा हुं मेय गयाः
 वःम्ह जिमि मालिक यमराज, वयां क्वसं च्वम्ह चित्रगुप्त, कर्मया रेखा
 च्वइम्ह, मेमेपिं सकलें दूतपिं पापी जनपिं सिना वनेवं थुमिगु प्राण हंश
 वायुयात पाशंचिनाः नरकय् यंकाः यमराजया हुकुमं थ्व पापीतय्त छु पाप
 यानावल व हे कर्ग कथं कर्म भोग सास्ति याइपिं जिपिं धकाः दूतपिसं थथे
 धासेलि हाकनं लोकजनपिसं धाल - जिपिं थन वयागु कारण खँ दक्कं छिमित
 कने गथे धाःसा हे मनुष्य धन्यधन्य छिपिं वरो भाग्यमानी छये धाःसा थ्व
 नेपाः क्षेत्रय् जन्म जुया च्वपिं अन्तय् जूसां सिइवं स्वर्गवास लात, छुयानितिं
 स्वर्गवास वन धाःसा जगतया मध्ये तःधना विज्याःम्ह श्री स्वयम्भू भगवान
 विज्याना च्वंगुलिं वसपोलयात नित्य नित्य सेवा यानाः भावभक्तिं पूजापाठ
 याना भेरी काहा पुयाः अनेक प्रकारया वाजं थानाः मंगल गीत व्वनाः सेवा
 भक्ति याःगुलिं सिना वनेवं स्वर्ग लोक वन धकाः दूतपिसं धासेलि लोकजनपिं
 सकसिनं थथिगु भिगु खँ न्यनाः थःथःगु स्थानस वनाः सुम्क च्वन ।

थनलि यमराज चित्रगुप्तया दूतपिसं लोकजनपिन्त जूगु खँ दक्क
 कनाः वुलुहुं श्री स्वयम्भूइ थाहाँ विज्यात । श्री स्वयम्भू भगवानया थासय्
 थ्यंसेलि यमराजं भारि नक्सां श्री स्वयम्भू भगवानयात पूजा याना विज्यात ।
 मेमेपिं दूतपिं सकसिनं नानाः मंगलवाद्य थानाः पंचतालं भेरी काहा पुयाः
 नाना कथं गाना भजन यानाः नानाः तरहं प्याखं हुयाः अनेक प्रकारं पूजा भाव
 यानाः श्री स्वयम्भू भगवानयात गुम्हसिनं चाःहिलाः प्रदक्षिणायात गुम्हसिनं
 धुंधुपाँय् नस्वाःनस्वाःगु धूप थनाः इताः देवा च्याकाः सेवा याना च्वन धकाः
 श्री भगवानं आज्ञा दयेका बिज्यात ।

थनलि जम देशया प्रजा गणपिं सकलें मुनाः नेपालय् यमराज
 विज्याःगु खँ, यमराजया दूतपिसं धाःगु खँ सकतां यक्ष मल्ल राजाया थासय्
 वनाः सकसिनं राजायाके विन्ति यात । हे महाराज ! प्रभु ठाकुर छलपोलं गथे
 मसिल यमलोकया अधिपति जुया विज्याःम्ह यमराज भीगु नेपाः देसय्

चाःप्यु विज्यात । छलपोनया गथे विचार मन्त । आःतले लानि जिमिगु खँ
भति न्यना विज्याहुँ । गथे धाःसा भी नेपाः पुण्यभूमि क्षेत्रय श्री ज्योतिरूप
स्वयम्भू भगवानया अनुग्रहं भीपिं सकसिया रक्षा जुयाचन । तर चने दुगु
संसार मखु । अवश्यं नं छन्हुया दिनय मिना वने मानि । मिना वनेगु भीगु
प्राणवायु हंश वसपोल स्वयम्भूया कृपां स्वर्गलोक वन । अथेया हुनि नेपालय
जन्मजूपिं प्रजागणपिं सकले कथहं सिना वनेवं नरक मवसें स्वर्ग वन धकाः
थथे प्रजापिसं विन्ति यासेलि यक्ष मल्ल राजां प्रजागणपिनिगु ख्वाः स्वयाः
आज्ञा दयेका विज्यात ।

हे प्रजागणपिं आः यमराज गन विज्याना चन धकाः राजां न्यसेलि
प्रजापिन्सं विन्ति यात । हे महाराज, थौकन्हय श्री स्वयम्भू भगवानया स्थानसं
चवनाः श्री भगवानयात पूजाभाव याना चन तिनि । हानं छगू खँ विन्ति याये,
गथे धाःसा यमराज थें जाःम्ह नेपाः विज्यासेलि भीगु दरवारय विज्याकाः
पूजाभाव यानाः यथायोग्य थें भोजन याके वेलसं भीसं यमराजयाके विन्ति
याये । गथे धाःसा भीपिं सिना वनेवं नरकसं च्वपिं दूतपिं वयाः पाशं चिनाः
यंकाः कर्मया कथं अघोर भीत नरकय यंकाः सास्ति याइ । आः थन यमराज
विज्याना च्वंगु इलय भीसं यमराजयाके फवने । गथे फवनेगु धाःसा सदाकालं
ल्यासे ल्यायूम्ह जुइकाः गवलेसं मसिइगु हाकनं गवले रोग मजुइगु नं सदाकालं
निरोगी जुयाः आयु पूर्ण जुइकाः चवनेगु फवने । अथेया कारण आःतले लानि ।
थुजाःगु वरदान विइम्ह यमराज दनि । याकनं निमन्त्रणा याना विज्याहुँ धकाः
प्रजापिसं थथे विन्ति याःगु न्यनाः ज्यूका धकाः राजा बोधजुयाः थःगु आश्रमय
विज्यात । थुलि राजायात विन्ति यानाः प्रजापिं सकले थःथःगु छेय वनाः
आनन्दपूर्वक चवनाचन धकाः श्री भगवानं आज्ञा दयेका विज्यात ।

हे मैत्री बोधिसत्त्व ! थनलि नेपालय यमराज विज्याःगु प्रजागणपिसं
राजाया हजुरय विन्ति याःगु सकतां राजां सिइकाः मन्त्री सःताः आज्ञा
दयेकल । हे मन्त्री स्वयम्भू विज्याना च्वंम्ह यमराजयान निमन्त्रणा यानाः

भीगु दरवारय् बिज्याके माल । अथेया कारणय् पूजाया सरजाम ठीक या । याकनं यमराज भीथाय ब्वना हये माल धकाः थुलि राजाया हुकुम जुसेलि क्षणभरं मन्त्रीं पूजाया सरजाम सकतां ठीक याना विल । थुलि तयार जुसेलि राजारानी, राजकुमार, मन्त्री, काजी, भारदार, प्रजागणपिं सकलें मुनाः यमराज ब्वने धकाः स्वयम्भू सकलें बिज्यात । सकसिनं श्री स्वयम्भू भगवान दशनं यानाः यमराज नाप लाना बिज्यात । भो यमराज, छलपोल नेपालय् बिज्याःगु बखतय् जिमिसं छलपोलयात पुजा यानाः भोजन याके । मेवलय् गुवले बिज्याइ पाखय् लाःवले बिज्याःहुं । विलम्ब याना बिज्याये मते । याकनं बिज्याःहुं धकाः राजां बिन्ति यासेलिं यमराजं राजाया बिन्ति न्यनाः तथास्तु धकाः यमराज प्रभृति सकलें यक्ष मल्ल राजाया दरवारय् बिज्यात धकाः श्री भगवानं आज्ञा दयेका बिज्यात ।

थनंलि जमदेशया राजदरवारय् थ्यंसेलि रंगमहलय् यथायोग्य थें यमराजयात सिंहासनय् बिज्याकाः राजा प्रजा सकसिनं पूजा यानाः भोजन याका बिज्यात । थनंलि यमराज लिहां बिज्याइ धकाः बज्रपाणी बिज्याकाः रखवार तयाः बन्धन तयाबिल । थुगु इलय् प्रजागणपिं सकलें दरवारय् वयाः राजाया न्ह्यःने च्वनाः बिन्ति यांत । हे राजन न्हापा छलपोलयात बिन्ति यानाः न्यनागु खँ सकतां ल्वःमन ला । याकनं यमराज याके न्यना बिज्याहुं धकाः न्यसेलि राजां न्हापा प्रजापिसं धाःगु खँ लुमंकाः यमराजया न्ह्यःने च्वनाः ल्हाः ज्वजलपा बिन्ति यानाः न्यना बिज्यात । भो यमराज ! छलपोल जिमिगु नेपाः देसय् बिज्याःगु इलय् जिमि प्रजापिसं धाःगु छु खँ धाःसा कालया भय तरे यानाः गुवले नं मृत्यु मजुइगु सदाकालं निरोगि जुयाः आयु पूर्ण जुइकाः सदां त्यासे त्याय्म्ह जुइकाः बुराबुरि नं गुवले मजुइगु हे यमराज छलपोलं थथिंजाःगु वरदान विया बिज्याहुं धकाः राजां बिन्ति यासेलि यमराज अद्भूत आश्चर्य चायाः थथिंजाःगु वरदान जिं वियेगु जिगु कर्ता मखु धकाः राजाया ख्वालय् स्वयाः यमराजं धया बिज्यात - हे राजन गुजाःगु

वरदान पवना थुजाःगु वरदान जिं विये मफु । गये धाःसा थःगु कर्मया भोग
 सुनां न हुये फइमखु धकाः थये यमराजं लिसः बिसेलि यक्ष मल्ल हानं विन्ति
 यात । भो यमराज ! थुजाःगु वरदान विल धाःसा याकनं विदा विया छवये ।
 थुजाःगु वरदान मविल धाःसा छलपोलयात त्वःता छवये मखु, जिमि गुरु
 वज्रपाणिं दिग्बन्धन यानाः तारण तयातल थ्वया अनुग्रहं छलपोल प्रभृति
 सकलें सुं हे दना वने फइमखु । अथेया हुनिं वीगुसा व्यु मवीगुसा त्वःता
 छवये मखु धकाः राजां धासेलि थुगु इलय् यमराजं वज्रपाणि दिग्बन्धन
 तारणया अनुग्रहं वने मज्यूगु खनाः यमराज प्रभृति सकलें विश्रमय चायाः
 राजाया स्वाः स्वयाः यमराजं धया विज्यात । हे राजन ! आम छु खँ ल्हाना
 विज्याना । थुजाःगु वरदान सु धयाम्हं जक विइफइ गुनां न विइ फइमखु ।
 जिमि गुरु सुखावति भुवनय् बिज्याःम्ह श्री करुणामयं जक थुजाःगु वरदान
 विइफइ धकाः यमराजं धासेलिं यक्ष मल्ल राजां क्रोध पिकयाः यमराजयात
 धया विज्यात । भो यमराज ! अथेसा छलपोलया गुरु सुखावति भुवनय्
 बिज्याःम्ह श्री करुणामय सःताः जिगु न्त्यःने हया बिज्याःहुँ नत्र छलपोल
 प्रभृति सकलें त्वःता छवये मखु धकाः राजाया क्रोध वचन न्यनाः यमराज
 विरक्त स्वाः ज्यानाः अथे थये याये मसियाः छ्यं क्वछुकाः जि गुरु सुखावति
 भुवनय् बिज्याःम्ह श्री आर्यावलोकितेश्वर करुणामयया नाम कयाः स्मरण
 याना बिज्यात । हे गुरु करुणामय ! जितः थन आपत जुल । यक्ष मल्ल राजां
 अद्भूतगु वरदान पवन । थुजाःगु वरदान जिं बिइमफु । छलपोलं जक
 वरदान वियाबिज्यायेफइ । अथे जूगुलिं जितः करुणा तयाः छलपोल थन
 याकनं विज्याहुँ धकाः स्मरण याना बिज्यासेलि सुखावति भुवनय् बिज्यानाच्चंम्ह
 श्री करुणामयं थुजाःगु यमराजया वचन तायाः श्री आर्यावलोकितेश्वर
 सुखावति भुवनंनिसें आकाशमार्गं गमन जुयाः क्षणभरं नेपाल मण्डलय् थ्यंकः
 विज्यात धकाः श्री भगवानं आज्ञा दयेका बिज्यात ।

थनंलि हे मैत्री बोधिसत्व ! थ्व जमदेसय् यक्ष मल्ल राजाया नित्य

स्नान यायेगु पुखुलिइ श्री करुणामय बिज्यानाः थ्व हे पुखुलिइ श्री करुणामय
 अमिताभ शिरय धारण यानाः लखं थाहां विज्यात । जव ल्हातिं अभयवर
 वियाः देपाः ल्हातिं पलेस्वां ज्वनाः पलेस्वांया च्वसं थीरं विज्यानाः सकल
 लोकयात दर्शन बिया बिज्यात । थुगु इलय् श्री करुणामय पुखुलिं थाहां
 विज्याःगु खनाः तसकं अजूचायाः यमराजं विन्ति यात । भो प्रभु ! धन्यधन्य
 छलपोल जितः करुणा तयाः थहाँ विज्यात । भो जमलेश्वर ! जलवाहन
 छलपोल जिगु सिंहासनस बिज्याहुं धकाः यमराजं विन्ति यासेलि तुयूगु रुप
 जुया बिज्याःम्ह श्री करुणामयया पुखुलिं विज्यानाः सिंहासनस बिज्यात ।
 थनलि यमराजं राजाया ख्वाः स्वयाः धया बिज्यात - हे राजन ! छिमिसं धाःगु
 वरदान वीम्ह ईश्वर वहे खः । विन्ति यानाः छिमिसं धाःगु वरदान फ्वं धकाः
 यमराजं थुलि धासेलि यक्ष मल्ल राजां श्री करुणामय न्ह्यःने वनाः ल्हाः निपां
 त्वाकाः विन्ति यानाः न्यना बिज्यात । हे ईश्वर ! जिमित करुणा तया
 बिज्यात । जिमि इच्छा पूर्ण जुइगु न्यनागु छु धाःसा नेपालय् यमराज
 विज्याःगु इलय् जिमि प्रजापिसं यमराज थें जाःम्ह बिज्यासेलि सदाकालं
 निरोगी जुया आयुं पूर्ण जुयेकाः मृत्युया भयं तरेजुयाः ल्यासे ल्याय्म्ह जुइगु
 वरदान यमराजयाके फ्वना । वसपोलं थुजाःगु वरदान बी मफु धकाः धया
 बिज्यात । थुजाःगु वरदान वीफुम्ह वसपोलं छलपोलयात आराधना याना
 बिज्यात । धन्यधन्य हे प्रभु ! छलपोल लखं थाहाँ विज्याःगुलिं जमलेश्वर
 जलवहान धायेका बिज्यात । थुजाःगु वरदान छलपोलं जक बी फु धकाः यक्ष
 मल्ल राजां विन्ति यासेलि श्री आर्यावलोकितेश्वर करुणामयं राजा प्रजा
 सकलया ख्वाः स्वयाः आज्ञा दयेका बिज्यात । हे राजन ! जि लखं थाहां वयागु
 पुखूया लखं गन ह्वनी अन कालमोचलन तिर्थ नामं सिद्ध जुइ । थुगु तिर्थय्
 सुनां म्वः ल्हुइ उम्ह मनूया काल हते जुया वनी । छिमिसं बिचाः यानाः स्व
 धकाः कँसेलि वागमति व कालमति संगम जुयाः ह्वनाच्चंगु थाय्यात वंगः
 धयातल थ्व ह्वंगु थाय् कालमोचलन तिर्थ सिद्ध जूगु खनाः थ्व हे थासय् श्री

करुणामय विज्याना च्वनेगु ईच्छा जुयाः राजाया स्वाः स्वयाः श्री भगवान्
 आज्ञा दयेका विज्यात । हे राजन ! थुगु हे थासय विहार दयेकाः जितः
 पूर्वामुख यानाः स्थापना याना विज्याहु, छाये धाःमा थ्व कालमोचन तिर्थसं
 सुनां स्नान यानाः जितः दर्शन याइ थुम्ह मनुष्यया काल हने जुयाः आयु पूर्ण
 जुयाः निरोगी जुया च्वने दइ । सुं गुम्ह लोकजनपिसं जिगु न्त्यःने च्वनाः गेगं
 कयेका च्वंपि मनूतयगु आयु साधना याइ उम्ह मनूया रोग शान्त जुयाः आयु
 पूर्ण जुइ धकाः श्री भगवानं आज्ञा दयेका विज्यात ।

थर्नलि यमराजं विन्तियात - भो प्रभु ! करुणामय ! जिगु ज्या छलपोलं
 सिद्ध यानाः विज्यात । भो, ईश्वर ! जि नेपालय् वयागु मनोकांक्षा नं पूवन ।
 छलपोल कालमोचन तिर्थया लिकसं विज्याइन अथे जूगुलिं थ्व थासय् जिगु
 चिं छगू तया थके त्यना धकाः विन्ति यासेंलि लोकनाथं यमराजयागु अंश
 चिन्ह लिंगे तयाः यमलेश्वर धकाः नाम तयाः सिद्ध याना बिये धुंसेंलि यमराज
 प्रभृति सकलें यमपुरय् लिहाँ विज्यानाः आनन्दं च्वना च्वन धकाः श्री भगवानं
 आज्ञा दयेका विज्यात ।

थर्नलि यमराज लिहाँ विज्यासेंलि यक्ष मल्ल राजां थः पुत्र रत्न
 मल्लयात राज्याभिषेक वियाः श्री करुणामयनापं, यक्ष मल्ल राजा व वया
 धाक्व प्रजापिंनापं ब्वना यंकाः कालमोचन तिर्थया सिथय् विज्यानाः त्वंगः
 धयागु थासय् वच्छि प्रजापिं ब्वना हयाः वाका देश धयागु नाम तयाः थ्वया
 लिकसं थः च्वनेत राजदरवार दयेकाः थुकिया सिथय् श्री करुणामययात
 विहार दयेका विज्याःगु इलय् श्री करुणामयं राजाया स्वाः स्वयाः आज्ञा दयेका
 विज्यात । हे राजन ! सुं लोकपिं जिगु विहारय् वयाः जितः नित्य पूजा यानाः
 दर्शन याइ, उम्ह मनू निरोगी जुयाः आयु पूर्ण जुइ । हानं त्वगि जुयाच्चपिं
 मनूतयसं जिगु न्त्यःने च्वनाः जिगु धारणी ब्वनाः आयु साधना याइ उम्ह
 त्वगि मनूया छिनभरं रोग शान्त जुयावनी । अन्तय् जूसां जिगु धर्म सुखावति
 भुवनसं वास लाइ, हाकनं सने मफुपिं, ल्हाःतुति मदुपिं, छेंसं च्वना च्वपिं

थुमित जितः दर्शन याकाः रक्षा याये हुनि थ्व देसय् रथजात्रा दयेकि । जितः दर्शन यायेमात्र थुमित रक्षा जुइ । अथेया हुनि दय् छक्वः जितः उत्पत्ति जुया वयागु थासनिसें रथ दयेकाः जात्रा या धकाः श्री करुणामयं थथे आज्ञा जुसेलि राजां छलपोलया आज्ञाकथं जिं यायेगु जुल धकाः श्री करुणामय स्थापना यानाः आपालं आयस्ता तयाः स्थापना याये मात्रं थ्वहे स्थानय् सिद्धजुया बिज्यात । थः जक बाका देसय् च्वनाः नित्य थ्व तिर्थय् स्नान यानाः श्री आर्यावलोकितेश्वरयात नित्य पूजा यानाः सुखं राज्य चले याना च्वन धकाः श्री भगवानं आज्ञा दयेका बिज्यात ।

थनलि गुलि दिन वितय् जुया वसेलि यक्ष मल्ल राजा निर्वाण जुया विज्यासेलि वसपोलया पुत्र रत्न मल्ल राजां जम देश व बाका देश निगुलिं छगू यानाः यें देय् धकाः नाम तयाः विज्यात । हाकनं अत्यन्त शोभायमानं बांलाक देश दयेकूगुलिं कान्तिपुर धकाः नाम तयाः बौद्ध यक्ष मल्ल राजाया आज्ञा कथं दय् छक्वः थ्व देसय् रथ जात्रा यानाः राज्य चले याना च्वनाच्चंगु बेलासं श्री आर्यावलोकितेश्वरया अनुग्रहं लोकजनपिं सकलें निरोगी जुयाः आयु पूर्ण जुयेकाः अत्यन्त सुन्दर देह जुइकाः आपालं धनाढ्य जुइकाः रुप लक्षणं संयुक्त जुइकाच्चंगु इलय् येल देसय् राजा सिद्धि नरसिंहया प्रयासं यें देसय् प्रजापिं सकलें सुख जुयाच्चंगु यल देसया प्रजापिसं थथे जूगु खनाः नुगलं सहयाये मफयाः नरसिंह साथ व्वनाः आपालं यलया प्रजागणपिं मुनाः यें देसय् वयाः नरसिंह न्त्यःन्त्यः तयाः आपालं धन लूटपाट यानाः बांवांलाःपिं ल्यासेपिं मिस्त हरण यानाः यल देसय् यंकल । नरसिंह खनाः यें देय्या प्रजापिं सकलें ग्यानाः उखेलाः थुखेलाः मदयेक विस्सुं वन । थथे यलयापिन्सं नरसिंहया भयं प्रजापिन्त ख्यानाः लूटपाट यानाः बांवांलाःपिं ल्यासे मिस्त नं यंकूगु राजां सिइकाः अथेथथे याये मसियाः थ्व नरसिंहया भयं यें देशया प्रजापिन्सं सुनांनं ख्याये मफयाः लूटपाट याःसां सुम्क च्वनाः सहयाना च्वन धकाः राजां सिइकाः थथे जुइवं ला भीगु देय् स्यनावनी आः गथे यायेमाली धकाः थः गुरु मन्त्रसिद्धि आचार्य सःताः थथे जूगु खँ गुरुयात


कनाः गथे यानाः नरसिंह ख्यायंमानी धकाः गजा गुरु निम्हमिया सल्ला याना
 विज्यात । थुगु इलय गुरुं गजाया ख्याः ग्वयाः धया विज्यात । हे राजन् ! थ्वया
 उपाय जिं याना गथे धाःसा सिमांगढ धयागु थासय श्री भद्रकाली विज्यानाच्वन ।
 थ्व भद्रकाली मन्त्रया जोरं चच्छिया दुने आगधना यानाः भीगु नेपालय
 विज्याकल धाःसा थ्व नरसिंहयात ख्याना छवयेफइ नत्र थ्व नरसिंहयात ख्याना
 छवयेफइ मखु धकाः गुरुं थथे धाःगु खं राजां न्यनाः धया विज्यात हे गुरु !
 भद्रकाली साधना यायेत माक्व खर्च वी याकनं वसपोलयात विज्याकं माल
 धकाः राजां धासेलि श्री मन्त्रसिद्धि गुरुं माःगु खर्च कयाः माःमाःगु पुजाया
 सरजाम किसलि छगः तयाः कलः छगलं व्याकाः सिमांगढ वनेत राजायाके
 विदा कायेत राजदरवारय् वनाः राजायात धया विज्यात । हे राजन् ! चच्छिया
 दुने भद्रकाली मन्त्रया बलं किसलिइ साधना यानाः याकनं लिहावयेगु चाया
 रात्री जुइ छलपोल न्ह्यलं चायेकाः विज्याहुं । भद्रकालीयात पुजा यानाः किसलिइ
 साधना याना हये थुखुनु रात्रीइ चच्छि जागराम च्वना विज्याहुं धकाः थुलि धयाः
 विदा कयाः पुजाया सरजाम कलः छगः ज्वनाः मन्त्रीसिद्धि आचार्य चाया रात्री
 सिमांगढ विज्यानाः चच्छिया दुने भद्रकाली श्री गुरुं मन्त्रं साधना यानाः
 किसलिइ विज्याकाः कलःया दुने तयाः थ्व हे चान्हय् तुं श्री गुरु ईश्वर दुगु कलः
 ज्वनाः लिहाँ विज्यात । थुगु इलय् राजदरवारय् थ्यंसेलि ध्वाखा वन्द याना तःगु
 खनाः द्वारे सःतल, हे द्वारे ! खापा खना व्यु राजा दर्शन याये धकाः वया धकाः
 द्वारेयात धासेलि द्वारे चान्हय् खापा चायेका विइ मखु धकाः खापा मचायेकुसेलि
 गुरुया चच्छि न्ह्यः मवःगुलिं न्ह्यः सहयाये मफयाः गन वने गन च्वने जुयाः
 सतः छगू दुगु थासय् वनाः भद्रकाली दुगु किसलि दुगु कलः फल्चा च्वसं खायाः
 गुरु घना विज्यात । थुगु इलय् कलःया दुने किसलिइ च्वंम्ह भद्रकाली पिहाँ
 वयाः गन वने गन च्वने जुयाः मचा रुप जुयाः चपा ख्यलय् म्हिताच्वन । गुरुया
 न्ह्यलं मचाः थुगु इलय् ज्यापु छम्ह थःगु वुँइ वने धकाः सुथ न्हापां साः दुगु खःमू
 क्ववुयाः तुप्या धयागु थासय् वुँ वने धकाः वंगु इलय् मचा खनाः थ्व मचा कयाः

खःमुलिइ तयाः कुबुयाः वुं ज्यास तुप्या वन । धनीले श्री गुरुया न्त्यलचासल
 कलः दुने च्वंम्ह भद्रकाली मदयाः अथे थथे मसियाः अपशोच कयाः विचार याना
 विज्यात । हाकनं मन्त्रं साधना याना विज्यागु इलय् थ्व मचा तुप्या थ्यने धुंकूगु
 खनाः गुरु उखे पाखे हे विज्यात । नसंचाया बलय् यंकूगुलिं नलिंघः धकाः नाम
 तल । थ्व मचा भद्रकाली वुंइ च्वनाः म्हिताच्वंगु खनाः याकनं हयेमाल धकाः
 तुप्यास वनाः अन थ्यंसेलि थ्व भद्रकाली मचा वुंइ म्हिताच्वंगु खन, खनेमात्रं
 सःता विज्यात थथे सःतलं भद्रकाली हयेमफुसेलि थुजाःगु ज्या दक्वं बिघ्न जुइन
 धकाः लुंया मरिक्कनाः हेयेकाः यंके माल धकाः लुंयामरि क्यनाः बुलुहुं थःगु देसय्
 तुप्यां हल धकाः श्री भगवानं आज्ञा दयेका विज्यात ।

थनलि भद्रकाली थःगु थासय् थ्यंसेलि थौकन्हय् विज्यानाच्वंगु थासय्
 भद्रकाली लुंमरि अजिमा थ्व हे थासय् तयाः गुरु यक्ष मल्ल राजाया दरबारय्
 वनाः राजा नाप लानाः सिमांगढं भद्रकाली हयागु तुप्यां नलिंघः भद्रकाली
 लुंमरि अजिमायात लुंया मरि क्यनाः थःगु थासय् हयागु सकतां विन्ति यात ।
 हानं माःमाःगु खँ सकतां विन्ति यानाः थ्व हे थासय् स्थापना यानाः वसपोलया
 मात्रिका गणपिं प्याखं दयेकाः शत्रु दक्व नाश यानाः यल देसया नरसिंह
 प्रभृति प्रजागण सकसितं मोचका वी धकाः त्रास बियाः ख्यानाः सकले
 विसिके छुवल । थुलि भद्रकालीं रक्षा याना विज्यासेलि थ्व कान्तिपुर येदिया
 सकल प्रजापिं सुधार जुयाः उद्धार जुयाः सुख आनन्दं च्वन । हे मैत्री
 बोधिसत्त्व ! थ्व कान्तिपुर शहरय् थ्व भद्रकाली प्याखं भिनिदैय् छक्कः गथु
 प्याखं हुयेकाः देश उपद्रव धयागु छुं छुं मदयेकाः देस रक्षा यानाः भद्र धयागु
 प्रजागणपिन्त कल्याण यानाः सुख आनन्दं च्वनाच्वन । हानं थ्व देय्या राजा
 रत्न मल्लं प्रजापिं प्रतिपाल यानाः सुखं राज्य न्त्याका च्वन धकाः श्री
 भगवानं मैत्री बोधिसत्त्वया स्वाः स्वयाः आज्ञा दयेका विज्यात ।

इति श्री आर्यावलोकितेश्वर महात्म्य समाप्त ।





तैसा ज्वल

ओं नमः श्री बज्र सत्त्वाय ॥

प्रेनेयं प्रतिमा तिष्टेत् कल्प महग्रकं ॥

रक्षन्तु देवताः सर्वैक्षिप्नग्नि जल वायवः ॥

यावत् मे रोषिता देवा यावत् गंगा महीतले ॥

चन्द्रार्क गगने यावत् तावत् त्वं विजयी भव ॥

हे परमेश्वर जगत संसार सत्त्वप्राणिया उपरस करुणा तथाओ रक्षा यानाओ विज्याकम्ह छलपोल श्री ३ अमोघपाश लोकेश्वर धकं नाम प्रख्यान्त जुयाओ विज्याकम्ह थथिंम्ह छलपोल जुलसां थ्व नेपाल मण्डलस वर्ष वर्ष पत्तिं रथ जात्रा याना बिज्याय धुनकाओ अस्मिन्सु दिने तिथि नक्षत्र जोग शुभ वेलास थ्व कनक चैत्य महाविहारस स्वस्व आश्रमस विज्यानाओ सकल सत्त्वप्राणिया उपरस करुणा तथाओ विज्याय माल । ग्वलोतक बिज्याय माल धालसा छकल्प मषु (खु) निकल्प मषु (खु) कल्प कल्प सहस्रकल्प कल्प आम प्रतिमास बिज्याय माल ।

हे नाथ हे परमेश्वर हानं गुलि तक छलपोल बिज्याय माल धालसा थ्व संसारस । आंकाश देवता । पृथ्वी देवता । अग्नी देवता । जल देवता । वायु देवता । थ्व पंचभूत आदि सकल देवतापिसं बसलपाओ रक्षा यानाओ विज्याक तल्यं छलपोल नं आम प्रतिमास बिज्यानाओ थ्व संसारस अष्ट महाभय हरण यानाओ बिज्याय माल । छु छु भय धालसा १. राजाया भय २. षु (खुँ)यागु भय ३. सर्पयागु भय ४. सिंहया भय ५. किसिया भय ६. लखया भय ७. अग्निया भय ८. व्याग्रया भय थ्वते च्याता भय आदि मेमेगु नाना संकष्ट भय थ्वते ज्येष्ठ जजमान प्रमुख सकल सत्त्वप्राणि पनिस्त सर्वे भये नाश यानाओ सदा सर्व कालसं थुगु विहारस सुस्थिरतं बिज्याय माल ।

हे प्रभु स्वामि हानं ग्वलोत बिज्याय माल धालसा बज्रसत्त्व तथागत आदिं सकल देव लोक पनि सुमेरु पर्वतस जुक बसलपाओ बिज्यात ओ लो तकं थुगु विहारस, आम प्रतिमास बिज्यानाओ वात, पित्त, श्लेष्म, सन्निपात, असुचीका

बिसुचीकादि सब रोग नाश यानाओ ध्वते जजमान प्रभति सकल प्राणि
पनिस्त रक्षा यानाओ विज्याय माल । हनं ग्वलो तक छलपोल विज्याय माल
धालसा थुगु पृथ्वी मण्डलस भागीरथी गंगा, नर्मदा गंगा, जमुना, नेरजना आदि
सकले गंगा बसलपाओ चोतल्यां दानपति ज्येष्ठ जजमान प्रभृति सकल प्राणि
पनिस्त सुवर्णरत्न आदि चतु षष्ठि भंदार (भण्डार) परिपूर्ण यानाओ विज्याय
माल ॥ ॥ हे परमेश्वर करुणामय हनं ग्वलो तक छलपोल विज्याय माल धालसा
चन्द्र, सूर्य, नव लक्षण तारा थ्व पनि ग्वलो तक आकाशस बसलपाओ दिन रात्री
दयकाओ बिज्यात ओ लो तक छलपोल नं थुगु विहारे आम प्रतिमास विज्यानाओ
थुगु विहारस बसलपा बिज्याकपनि ज्येष्ठ परिवार प्रभृति सकल सत्त्व प्राणि
पनिस्त सप्त वृद्धि मंगल वरदान बिया विज्याय माल । सप्त वृद्धि मंगल धयागु
छु छु धालसा हे जजमान पनि डओ गथ्य धालसा - १. आयु वृद्धि, जुये माल २.
सकल कार्यस जस वृद्धि जुय माल ३. व्याकरण शास्त्र आदि सकल विद्या वृद्धि
जुये माल ४. सकल ऐश्वर्य सुख वृद्धि जुय माल ५. सकल जहान परिवार वृद्धि
जुये माल ६. सुवर्ण रुप्य आदि अष्ट धातु नवरत्न थथिंगु धन वृद्धि जुय माल ।
७. सुपुत्र सन्तान वृद्धि जुय माल । थ्वते सप्त वृद्धि मंगल वरदान बिस्थं
विज्यानाओ चयप्य लाख प्राणि पनिस्त उद्धार यानाओ थुगु नेपाल मण्डल आदि
सकल देश देशान्तरसं सकल जगत संसारस सकल विघ्न उत्पात शान्ति
यानाओ सदा सर्वकालसं काले काले सुवृष्टि यानाओ विज्याकम्ह श्री ५ महाराजाधिराज
प्रमुखन मन्त्रि, प्रजा लोक आदि सकल सत्त्व प्राणि पनिस्त छलपोलया करुणा
सुदृष्टिन स्वयाओ चतुर्योनि नं उत्पति जुयाओ षट्गति भोग यानाओ चोनपनि
प्राणि पनिस्त गुगु प्रकारणं उधार (उद्धार) याये माल । उगु प्रकारणं रक्षा उधार
यानाओ वर्ष २ पत्तिं थुगु महारथ जात्रा निर्विघ्न यानाओ थुगु कनकचैत्य
महाविहारस दुहां विज्यानाओ आम प्रतिमास सुस्थिरनं विज्याये माल ।

॥ जजमानं पञ्चोपचार पुजा भावना तस्य धुं, नीराजन, त्वाहाग्नि रक्षा
मकुट - वज्र - घण्टा - भिषेक - प्रज्ञा ज्ञाना भिषेक विधि थ्ये पुजा ॥
सताक्षर क्षमापन । चाक्र पुजा ॥ किग तिने ॥

साभार :- जनवहा:द्य:या शान्तिमफु (घटनावली)

थुगु हे भावकथं जनवहा:द्य:या ग्यापु म्यानाच्वपि व दिवगत जुयावपि मनूतनाप स्वव्याकं मफुगु कथया द । धर्म, मर्यादित, समान, ज्ञान-विज्ञान, स्वास्थ्य, दुर्गति, प्रगति, स्वर्ग-नर्क, ज्योतिष विज्ञान, आदि-इत्यादि न्याय्य कथं न आस्था व स्वापू दुम्ह द्य: ख: जनवहा:द्य: ।

थुकथं मानवजीवन व मरण नाप स्वापू दुम्ह द्य:यान थीथी कथ पुजा आज्ञा यायेगु यानावयाच्वंगु दु, तर आपा:मिनं मय्युकि छु पुजा छु हर्न याइगु वा छु प्रसादं छु ज्या याइगु ? छु प्रसाद गुकथं कायेगु ? छु दान गुकथं यायेगु ? छु वस्तु गुकथं छये छयेगु ? आदि इत्यादि । थ्व सकता न्यम:या लिस: क्वय न्यथनाकथं दु ।

- १) द्य:के वडगु : श्रद्धा व आस्था कथं द्य:के वडगु याइ । द्य:के वये वने यायेवले शारीरिक अभ्यास नं जुडगु या: । छुं हे ज्या मरुपि मनूत आपा: यानां छेंयु पिहांतकं वडमखु, द्य:थाय वनेगु त्वह: नया:मां पिन् वयेगु याइ, थुकें शरीरय लचकता हयावी ।
- २) निसला: तयेगु : दिवगत जुयावपि थ:थिति व छेंज:पिनिगु नामं दान यायेगु क्रिया ख: ।
- ३) लुं देवा व देवा च्याकेगु : भिंगु कामना याना: भय व दुर्गति मोचन यायेत देवा च्याकेगु याइ । नापं देवा च्याकेगु ज्यां ज: नं त्वर्लीगु जूगुलिं छ्युं यात चीकेगु ज्या नं याइ, नापं क्वा: ज: नं विडगु ज्या याइ । देवाया मिजलय ल्हा: पना: मिखा पिडगु ज्या याइ, थ्व छगू कथ मिखाय क्वा: तयेगु ज्या नं ख:, मिखाया साधारण त्वय व मिखा तेय्लाकेत थुकें ग्वाहालि याइ ।
- ४) चाक: दलूमत च्याकेगु : थ्व नं लुं देवा च्याकेगु ज्या थें ख: ।
- ५) माने चा:हिडकेगु : माचे चा: हिडकेवले 'ॐ मणि पद्मे हूं' षडाक्षरी मन्त्र उच्चारण यायेगु याइ । षडाक्षरी मन्त्रोच्चारण यायेवले मनय शान्ति व एकाग्रता ब्वलनी नापं थुकें भय नं चीकेगु याइ । माने रञ्जना लिपिं ॐ मणि पद्मे हूं यात छचा: तुइका: च्वयात:गु दइ,

चाहिइकेबले जव खवपाखे चा:हीकेमा: । थथे यायेबलय जक 'ॐ मणि पद्मे हूं' उच्चारण वा ब्वने फइ । मखुसा 'हूं' सेप णिम ॐ' जूवनी गुकिया छु हे अर्थ व महत्व मदु ।

६) जाकि निना: सिन्ह: : जनवहा:द्य:या थ:हे पह: वा विशेषता दुगु सिन्ह: । अन छाये ह:गु जाकिइ पवित्र जल तया: निना: दयेकीगु सिन्ह: तिल कि भक्तजनया कल्याण जुइगु विश्वास दु ।

७) पालि सिन्ह: : पालिइ लानाच्चंगु सिन्ह: जूगुलिं पालि सिन्ह: धा:गु ख: । थ्व सिन्ह: अतिकं पवित्रगु ख: । थ्व सिन्ह: तीबले सिन्हाय स्वानं किका: कायेमा: ।

८) जल कायेगु : जनवहा:द्य: थाये छायेह:गु प्यारा व सादुरु त्वाक छ्याना: दयेकात:गु प्रसाद ख: । थ्व प्रसाद ग्रहण यात कि भय व रोग निवारण जुइगु विश्वास दु ।

९) धौ कायेगु : थन दोल्चाय तया: छाये ह:गु धौया प्रसाद कथं इनेगु ज्या याइ । थ्व प्रसाद अरिंचा:पिन्त त्वंकेगु/नकेगु यात धा:सा अरिंचा:गु लनी ।

१०) गुलुपा: दान यायेगु : दुर्गति मोचन यायेगु नितिं गुलुपातय जाकि व दां तया: गुलुपा: दान यायेगु याइ ।

११) जाकि ल: छायेगु : ल:नापं चिचीग्व:गु द्रुलंद्रुग: गुलुपा:चाय जाकि तया: दान यायेगु ज्या ख: । छुं नं कथंया भाकल व भिं पुजा यायेबले श्रद्धापूर्वक थ्व दान यायेगु याइ ।

१२) अम्ब: ल: छायेगु : करुणामययात य:गु सि मध्ये अम्ब: नं छताजि ख: । अम्बलय रोग प्रतिरोधात्मक शक्ति गुलि दु उलि शक्ति मेगु छुं नं कथंया सिइ दइमखु । उसाँय द्य:कथं भा:पियात:म्ह द्य:या दकलय य:गु सि अम्ब: जूगु कारण थुकी दुगु रोग प्रतिरोधात्मक शक्ति हे ख: धका: विश्वास यायेफु । अम्बलय अशक्तपिं बुराबुरीपिन्त शक्ति सञ्चार यायेगु चमत्कार सुलाच्चंगु दु । भिटामिन सीया खं ल्हायेगु ख:सा थुकी ति भिटामिन सी मेगु सिइ दइमखु । थुकें हि सफा यायेगु

अप्वखयकेगु व नय ययकीगु ज्या याइ । अथे जुयाः श्रद्धादुपिन्म कुकु हे अम्बः तके छायेगु याइ । अम्बः नाप नः न छायेगु याइ ।

१३) सत्त्वपुजा / त्वच्छा पुजा यायेगु सु मदेगु इलय व मेमेगु भिंगु ज्याया निंतिं थ्व पुजा यायेगु याइ ।

१४) पाठ याकेगु सु मनू त्वचं कयाः तच्चः जुयाच्चनीगु इलय जनवहाःद्यःयाथाय पाठ याकेगु ज्या याइ । पाठ याकेगु इलय पञ्चगभा, नब्याकरण, प्रज्ञापारमिता आदि पाठ याकेगु याइ । थुगु पाठ भय व त्वय्यात हाकु तिनीगु विश्वास यानातःगु दु । नापं मर्दुपिं जनया नामय् नं निर्वाणया कामना यानाः पाठ याकेगु याइ ।

१५) चौजा कायेगु : जनवहाःद्यः धलिं लुइधुंकाः दशकर्म विधि यायेगु इलय याइगु होमया जग्गे पञ्चामृत तयाः थुइगु जायात चौजा धाइ । थुकियात पवित्रगु व निंगु प्रसाद कथं ग्रहण यायेगु याइ ।

१६) सिसापालु कायेगु : जनवहाःद्यःया दशकर्म विधि क्वचायेकाः द्यः जागे जुइगु इलय विइगु सगनय च्वंगु चाकु व पालुइ चि व इमू (ज्वानु) वुलाः प्रसाद दयेकेगु ज्या याइ । थुकियात हे सिसापालु धाइ । सिसापालु द्यःया प्रसाद अथें हे पवित्रगु जु हे जुल उकिसनं थुकी दुगु चाकु, पालु, चि व इमुलिं चिकुलाया इलय म्हय् क्वाःजः अप्वयेकेगु ज्या याइ । आरोग्यलाभया निंतिं थ्व प्रसाद कायेगु याइ ।

१७) जंक्वया थाय्व्व नके : दशकर्म विधि यायेगु भवलय् जववहाःद्यःयात जंक्व, इहि व बान्हाः तयेगु याइ । थ्व हे भवलय् द्यःयात थाय्व्व नकेगु याइ । थ्व हे थाय्व्वया प्रसाद सुं इहिमयाःपिं मस्तयत्त नकल धाःसा व मिसामचायात हाकनं इहि यायेम्वाः धइगु विश्वास दु ।

१८) पिग्वये कायेगु : थ्व ग्वये प्रसाद कथं काल कि कायमचा दइगु विश्वास दु ।

१९) पालं तये : द्यःयात व गुर्जुपिन्त भोजन याकेगु ज्यायात पालं तयेगु धाइ ।

२०) जल हाहा याये : दूब्यंकेगु इलय छें शुद्ध यायेत जनवहाःद्यःया तयुतुय

धा.गु जल हाहा यायेगु चलन दु । थथे जल हाहा यायेवल विलि, डम्, मपानि आदि दाइ मखु धइगु नं विश्वास दु ।

२९) तिथि स्वये छु गथे जुयाः छगू हे तिथि निन्हु तक क्यसा, लिपांगु दिनयात व तिथि माने यायेगु थनया चलन दु । थनं क्वःछयूगु दि व तिथियात हनावना तयाः पालना यायेगु याइ ।

अथे हे थीथी कथंया सर्वजनहिताय जुइ कथंया थीथी पुजा आज्ञा, छायेगु प्रसाद ग्रहण यायेगु नं प्रचलन दु, गुगु क्वय् न्त्यथना कथंया दु :

- १) अष्टमी व्रतया धलं दनेगु
- २) पताः छायेगु
- ३) लंकापः देछायेगु
- ४) खादा छायेगु
- ५) जनवहाःद्यःया पुलांगु लयाः फुचा तयाःजन्तर दयेकेगु
- ६) पालिसिलाः वःगु जल स्वलातक कायेगु
- ७) जनवहाः द्यः धलिं लुइबले मनंतुना पूर्वकेया नितिं भक्तजनतयसं वाम्हा नांगां नमवासे बहाः चाःचाः हिला च्वनेगु
- ८) पुन्हि खुन्हु द्यः जागे मजूतले न्हिच्छितक व्रत च्वनेगु
- ९) जनवहाःद्यःयात धलिं लुइत घःलः कयाः लिहाँ वयेबले लयलय सुच्याकाः मिपंकेगु
- १०) जनवहाःद्यः धलिं लुनाः प्याःगु क्वयलं (कय्ता) कन्हय्कुन्हु सुथय जनवहाःद्यः पाकी थाय् च्वनाः मिच्याकाः क्वयलं गंकेगु लिपा वहे क्वयलंया क्वखा दयेकाः भक्तजनतयत इनाबीगु ।

साभार : प्रा. राजा शाक्य

क्वचाल

सर्वभवन्तु मङ्गलम्

શ્રદ્ધાયા ઇપાસ:



મોહનબહાદુર અમાત્ય (કકામાઈ)

વિ.સં. ૧૯૭૭ - ૨૦૪૭ કાર્તિક ૭

સુથ ન્હાપાં દનેવં લુમનીમ્હ જિમિ અતિક્ક હનેબહઃમ્હ

અબુજુ મોહનબહાદુર અમાત્ય

શ્રદ્ધાયા ઇપાસ: દેઘાનાચ્ચના ।

મોક્ષબહાદુર અમાત્ય

વ

સકલ ઇંજ:

શ્રદ્ધાયા છપાસ:



બાંલા:નાની વૈઘ

વિ.સં. ૧૯૮૦ - ૨૦૫૨ કાર્તિક

સુથ ન્હાપા દનેવ લુમનીમ્હ જિમિ અતિક્ક હનેબહ:મ્હ નિનિયાત

નિનિ બાંલા: નાની વૈઘ

શ્રદ્ધાયા છપાસ: દેઘાનાચ્ચના ।

મોક્ષબહાદુર અમાત્ય

વ

સકલ છૅંજ:

લુમંકા ચ્વના



કૃષ્ણબહાદુર અમાત્ય (માઇલા માઇ)
વિ.સં. ૧૯૭૯ ફાગુણ - ૨૦૬૨ માદ્ર ૨૪ શુક્રવાર

જિમિ અતિકં ચઃમ્હ દાજુ
કૃષ્ણબહાદુર અમાત્ય
સદા લુમંકા ચ્વના ।

મોક્ષબહાદુર અમાત્ય
વ
સકલ છૈંજઃ

बिचा: हायेका



सजनी श्रेष्ठ

वि.सं. २०१६ कार्तिक - २०६३ आश्विन ४ बुधवार

जि अतिकं स्याःन्याःमह पासा व त्वाःया पूर्व
वडाध्यक्ष विकासमन्त्र श्रेष्ठया तिरिमयूजु

सजनी श्रेष्ठ

मत्थवं मदुगुलिं वयूकःया आत्मा सुखावतिइ
बास लायेमा धकाः कामना यानाच्चना ।
नापं दुःस्वकःपि छँजःपिन्त बिचाः हायेका च्वना ।

मोक्षबहादुर अमात्य

व

सकल छँजः



चबमि : कमलानन्द बज्राचार्य



जनबहा:द्य:या बाखं सफूया प्रथम संस्करणाया पिकाकः
थीररत्न तुलाधर व वयूक:या जहान

ISBN 999462047-9

